

Typis G. F. QUILLAU, Universitatis & Facultatis Medicinæ Typographi, 1731.

# DEO OPTIMO MAX. UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS  
*manè discutienda, in Scholis Medicorum, die Jovis decimâ-  
quintâ Februarii M. DCC. XXXI.*

M. GERMANO PREAUX, PROFESSORE REGIO,  
Doctore Medico, Præside. *Autore.*

*An omnes Animi Passiones, exceptâ moderatâ Latitiâ, Sanitati noceant?*

### I.

BONORUM corporis omnium longè præstantissimum Sanitas, divitiis, dignitatibus, hono-  
ribus, aliisque fortunæ bonis nonmodo præponendum, sed etiam doctrinæ prudentiæque, si  
Philosophis pluribus fides habeatur. O ter igitur quaterque beatum hominem! qui nascendo corpus  
benè constitutum nactus, hujus & animæ functionibus cunctis perbellè fungitur; doloris, languo-  
ris, imbecillitatis expers, ad studia est alacer, ad negotia promptus, ad exercitationes expeditus  
& omnium dulcedinum vitæ capax. Hujus & valetudinarii hominis quanta differentia! Hic  
Animo & Corpore pariter infirmus, studiis, exercitationibus, negotiisque est inhabilis; omne jo-  
corum & delectamentorum fastidit genus. Nulla iam hilaris scena, nulla faceræ tam mimica  
quæ possit frontem ejus exporigere. Symphoniarum suaviore ipsam contristabunt; fidium ac tibia-  
rum macerabit jucunditas. Stet in conviviis ubi Lautitiarum apparatus sit splendidissimè exposi-  
tus, exquisitissimos cibos dente fastidioso tanget. Nec putes à fortunæ bonis infirmam ejus valetu-  
dinem posse compenari; Sit enim domibus, fundis, auri, argenique acervis potens, sit omni-  
nium qui vivunt hominum honoratissimus inter tot opima miseram sortem deplorabit. Adco ut me-  
lior sit pauper sanus, & fortis viribus quàm dives imbecillis, & melior sit mors quàm vita amara. *Eccles. c. 30.*  
Porro si tanta sunt sanitatis comoda, operæ pretium est accuratè novisse quam sint ipsius  
effectrices cause. Hæ sunt; Non solum conveniens corporis conformatio, partium sanguinis ex-  
quisita crasis & symmetria, sed insuper moderata spirituum influentia & tranquillius sanguinis  
circuitus. Si namque spiritus sint concitati vel languentes; si nimis rapidus lentusve sit san-  
guinis circuitus, inde sanitati detrimentum importari manifestum est; at nequit esse moderata  
spirituum influentia, nec tranquillius sanguinis circuitus si agitur Anima vel in languorem  
decidat. Ab ipsâ quippè agitata spiritus & sanguis nimios concipiunt motus; à languente verò

A

& demissa, quodam modo obtorpescunt. Inter utrumque extremum status est medius sanietati apprimè conveniens, quem Anima à solâ inter omnes Passiones moderatâ Latitiâ mutatur.

## I I.

**P**ASSIONES sunt Animæ Affectus ab objectis externis sensuum ministerio geniti, cum perverfo in omnibus, exceptâ moderatâ Latitiâ, Spirituum & Sanguinis motu. Ad animam igitur solam pertinent cum eam ab omnibus affici indubitanter possit. Nec est quod ad excitandas passiones appetitum irascibilem & concupiscibilem ab Anima distinctos quidam somnient. Uterque quemadmodum intellectus, imaginatio, memoria, voluntas nihil sunt aliud quam Anima ipsa quæ licet simplex diversis pro functionum varietate distinguitur nominibus. Cæterum omnis passionis objectum est bonum, scilicet quod Naturæ est conveniens & amicum; vel malum sive quod inimicum atque molestum. Idque passioni cuilibet ita essentialis est ut quicumque motus Animæ bonum vel malum pro objecto non habuerit, ei passionis nomen nequaquam debeat tribui. Utrumque vel solidum & verum, vel falsum & apparens, dum Anima errore sensuum aut vulgari opinione delecta, pro bono quod malum & pro malo quod bonum accipit & ab utroque non minus afficitur, quam si ipsa adesset veritas. Bonum generatim amorem accendit; si fit præsens & ipso fruamur Latitiam gignit, & aliquando Zelotypiam. Absens verò si nobis conveniat desiderium excitat & cupiditatem; quod si non admodum difficulter possit acquiri spem suscitât; si verò nimis arduum vires nostras superet desperationem affert. At si bonum quod concupiscimus in aliorum potestate esse videamus, continuò nos corripit invidia. Malum generaliter producit odium; si præsens & ipso re ipsa afficiamur tristitiam gignit, & cum solitum sit iis succensere à quibus accepta fuit injuria & de iis poenas velle repetere inde sumunt originem Ira & Vindicta. Si malum est absens & vitari possit singulis à naturâ ingenitum est ut per fugam quamprimum victur; si visum fuerit inevitabile tunc nullius animi viros mecus invadit; fortibus, ad propulandum malum vires audacia suppeditat. Atque hæc sunt Animæ Passiones in quibus omnibus si Latitiam moderatam exceperis, aut ipsam agitari, aut languere probabitur, ab iis initium faciendo quæ circâ bonum versantur.

## III.

**A**MOR triplex vel dignitatum honorum gloriæ, & dicitur Ambitio; vel divitiarum, & est Avaritia, vel pulchritudinis & formæ. Ambitio nobilis equidem, sed scèrè nunquam innoxia Passio, dum honores, dignitates, famam prosequitur, ut sublimi feriat sidera vertice, ut victrix possit virum volitare per ora, nihil non tentat, nihil intactum relinquit, sacra jura audet resolvere, nullis tenetur legibus, nec amicorum, nec parentum parcit sanguini; objectas difficultates per fas & nefas superare nititur. Sed cum majora viribus audet, propitiamque non habet fortunam, optato privatur sine, & exinde acerbissimus dolor exoritur, eum verò si consequatur quantis curis & conatibus parvus est, tantis pariter & curis & conatibus est conservandus. Ast inter tot sollicitudines, curas, anxietates, læsæ etiam conscientie stimulos pacem Animi reperiri posse quis asserere audeat: nec major est in Avaro Animæ tranquillitas; is enim quem tenet divitiarum cupiditas, cas plus quam parentes, amicos, quam seipsum diligit; non solum enim de iis nullam suis partem facit, sed etiam miser iis abstinet, ac timet uti, parcè ac duriter se habet, sibi negat non solum vitæ jucunditates, & commoda, sed etiam necessitates, animam suam  
*Ecclesiæ* 4. fraudat bono, & inter magnas opes est inops. Ast quas mente cæca miserum torquens spiritum per sordidam parcimoniam, perjurium, mendacium, scœnus, conquisivit opes, dum vult intactas servare, quanta ibi sollicitudo! Quanta anxietas! vigilat metu exanimus, timet fures, incendia, servos, ne se compilent. Quòd si in pecuniâ quedam jactura facta fuerit, ipsam vris plorat lachrymis; an tot inter curas Avarus animam suam in pace possidebit? Amator dum formine capus est amore, hanc dies noctesque desiderat, hanc somniat, de illâ cogitat, cum illâ totus est; ut amari possit, obsequia, sumptus, munera, assiduitatem, perseverantiam, blanditias, attentiones adhibet, & nihilo secius tristes iras & superba fastidia aliquandò exporitur. Tandem si habet quod totâ mente petit, nempe ut ametur, haud credas res ejus in tranquillo esse positas. Nonne etenim potest Amori suo calamitas & ægritudo aliqua intervenire? Nonne in Amore sunt injuriæ, suspiciones, inimicitie, induciæ, bellum, pax rursus? Nonne timenda est Amasie inconstantia & levitas? Nonne molesta rivalium presentia acrem Zelotypiam movet? Verùm si conatus ejus omnes fuerint irriti, si pro Amore odium ferat, in furias iramque ruit, alio ut Amore in odium verso, extiterint Amatores qui forminas à quibus repulsam tu-

lerant, interficere non dubitarent. Quidam etiam sibi præ animi impotentia damnatas manus attulerint, quis à tam indomitâ effreni tamque furiosâ passione supra modum animam agitari negaverit? Desiderium est Animæ affectus, quo bonum abens sibi que conveniens concupiscit: non tot fluctibus agitur mare quot Anima desiderii: varia sunt incerta, infinita, inconstantia; his ut fiat satis terrâ marique suscipiuntur peregrinationes, bella geruntur, parantur facinora, mille adeuntur pericula, mille exoritur difficultates, nec equidem sine sollicitâ mentis agitatione: hæc desideria spes alit, fovet, stimulat, sed ipsamet nec agitatione, nec anxietate vacat. Qui sperant, moram impatenter ferunt; sunt inquieti, timenque, ne antequam optatum finem assecuti sint, aliquid interveniat quod ejus obstat possessioni; competitors sunt submovendi; amicum aucupanda gratia, cavendum ne quid plus minusve fiat quam necesse sit. Quod si tot occurrant tantæque difficultates, ut sperantium vires & conatus exuperent, subsequitur desperatio, adeo nonnunquam violenta, ut alii in graves inciderint morbos, alii in desipientiam, quidam sibi mortem consciverint. Invidia turpis & pudenda passio à nemine unquam confessa, semper odio stipata somnos adimit, & est veluti ignis suppositus cineri dolo quo Anima uritur; alterius macrescit rebus opimis, in aliis nec virtutem, nec ulla dotes, nec ulla merita agnoscit. Omnia præmia, beneficia, dona sibi soli debere putat, meliora carpit, aliena famæ ruinis suam superstruit. In maledicta ubertim effunditur. Alios mordet & eruento dente rodit; sed dum aliis nocet, ipsa sibi est savissimum tormentum. Zelotypia est affectus animæ ab invidia in eo discrepans, quod propter nostra bona Zelotypi sumus, propter aliena invidi. Illius obiectum bonum est quod reverâ possidetur, dum nempe possessor timet ne sibi rapiatur aut in ejus partem aliquis veniat; sic Reges propter gloriam, Magistratus propter auctoritatem, Vir propter uxorem, Amator propter Amasiam, Avarus propter divitias Zelotypiam concipiunt; terribilis sanè & tyrannica passio quæ tam impatenter, tam inordinatè, tamque potenter animam exagitat, ut savissimus atrocissimisque ipsius morbus haberi possit.

## I V.

NUNC de Passionibus malum spectantibus ac primum de Odio. Odisse consuevimus eos quos nostræ famæ, nostris bonis, fortunis, voluptatibus contrarios experimur, eos denique omnes à quibus injuria accepta fuit. Ab odio animam vehementissimè agitari necesse est, cum pro individuus comitibus iram vindictamque habeat, earumque impetus induat quos esse violentos admodum mox patebit. Hujus effectus soliti, sunt veneficia, cædes, parricidia & omne facinorum genus. Tristitia à malo præsentè oriunda corpus & animam simul affligit, sicut *Prover. tinea vestimento, sicut vermis ligno, ita tristitia nocet cordi.* Quippe cor oppressum & veluti cingulo constrictum, pulsus edit parvum & debilem, calorem languidum quoquo versus spargit unde frigit totus corporis habitus, pallor facies, membra torpent & collapsæ sunt, quin & spiritus *Prover. spiritus tristis exsiccatores.* Hanc passionem lentum dixeris venenum, à quo sensum extinguitur e. 17. appetentia, functiones omnes paulatim corrumpunt donec omnino cessantes interitum afferant. Hæc animam deprimit, prægravat, atque affigit humi divinæ particulam auræ. Homines efficit segnes, stupidos, in rebus suis indiligentes, ab omni voluptate & societate humanâ alienos, recessus & solitudinis Amantes. Iratus ignem & furorem habet in oculis, in ore verba minantia, in facie ferocitatem maximam; ira furentis impetum non sustinens omnes ruit, rapit, tundit, prosternit nihil respiciens, dum dolorem & illatam injuriam vindicat, dicens infani Leonis vim Stomacho illius applicatam. Si quis in tantâ agitatione dictis mollibus blandâ monitione iram pacare tentet nihilo plus agit quàm si contra torrentem brachia dirigat, iratus vocem amici non agnoscit, nullas voces audit intractabilis, in ipso hominem non quæras amplius, immanis bellua factus est cædis & Sanguinis avidissima. Vindicta magnis & Cœlestibus animis ad ignoscendum quàm ad puniendum propensioribus parum nota, demissis & abjectis familiaris animam stimulis agit amarum, somnos abrumpit, tantæque est vehementiæ ut qui eo affectu flagrant, nihil inausum, nihil intactum relinquunt; venena, cædes, incendia, prodicionem & malas nocendi artes adhibent ut acceptam injuriam ulciscantur. Ejus vehementiæ calcar adhuc admovet ira fidelis vindictæ asscula. Fuga est animæ affectus haud perturbationis experts. Hæc enim primum rationes ad fugiendum devitandumque malum necessarias sollicitudine quærit, his autem reperitis illius incerta fluctuat, nescia quibus potissimum conveniri uti, timens ne in eligendo peccet perisque amplectatur. Metus est passio corpori & animæ pariter noxia, coercens enim intus Spiritibus & Sanguine ad præcordia refuio, pallor facies, vox faucibus hæret, oculi caligant, aures nihil audiunt, torpescunt artus, tremore concutuntur, sudore frigido madent, tota denique naturalis œconomia subvertitur; quin & ipsa anima tam demissa, tam languens, tam con-

4

sternata jacet, ut erigi nequeat, & virile quidquam aggredi. Metui opponitur audacia in qua imminens sibi malum simulque inevitabile intuens Anima, & nullum esse fugæ locum, erigitur, accenditur, vires colligit, & ad superandum istud malum maximos conatus præparat; nec quidem sine fumma illius agitatione, quam etiam corpus participat, in audacia quippe oculi inflammati, elata supercilia, vultus ferox, truculentus & rubore exardescens, vox magna, vehemens pulsus.

V.

**L**ÆTITIA est Passio quæ supra bonum præsens & sibi complacitam veluti diffunditur Anima ut ipso cumulatiùs potiat. Omni ætati temperamento, Sexui conditioni, Nationi convenit, quippe homini gratissima, conservandæ Sanitati avertendisque Morbis apertissima; functionibus Animæ & Corporis perfectè obeundis accommodatissima. Anima in moderato gaudio tranquilla, omni perturbatione vacua, sui domina & veluti se liberè expandens functionibus suis expeditè hilariterque fungitur; Spiritus alacres moderato influxu quoquo versum diffusi sensus omnes reddunt perspicaciores & singulis partibus ad privata vel publica munia robur conciliant. Sanguis purus & defæcatns libero & facili circuitu obambulans omnibus corporis partibus commectus necessarios abundè supponit, calorem & vitalitatem affatim spargit. Viget appetentia, Somnus dulcis est & quietus. Ast dum intus ope Lætitiæ omnia benè ac salubriter se habent, foris quoque sua bona promit isthæc benefica passio *Gaudium exhiberat faciem*; in ipso facies nunquam contracta, oculi clariores stellis extra Lunam fulgentibus, vultus serenus vivido flore renidens dulcique risu amabilis. At Rîsus cum soli omnes inter passiones Lætitiæ sit peculiaris, solius quoque inter cuncta animantia hominis sit proprium, nonne patet ad ipsum hanc passionem verè ac propriè pertinere, esseque in ipsa quàm in aliis magis, ut ita dicam hominè. Cæterùm Lætitiæ non solum possessoris sui sed etiam aliorum sanitati commoda. Hilaris quippe homo sermonè invitabili & jucundo jocis innocuis, dictetis neminis os lædentes suavis argutiis confessus & convivia exhilarat, gaudiumque suum cum sociis communicando videtur ad illorum sanitatem posse non parum conducere. Hunc omnes idcirco cupidè exoptant, blandè excipiunt, libenter frequentant; tristem verò fugitant tanquam molestum, tædiosum & contagiosum hominè. Porro tanta erat apud Græcos Gaudii commendatio ut se salutantes invicem verbo *Χαίρειν* Gaudium & Salutem sibi mutuò optarent, idemque verbum solerent suarum epistolarum fronti inscribere: denique si quantum valeat Lætitiæ sacris testimoniis convincere necesse sit, è pluribus quædam duntaxat audi. *Jucunditas cordis hæc est vita hominis. Non est oblectamentum supra gaudium. Animus gaudens atque em floridam facit.* *Ibidem, Laudavi Lætitiæ quæd non esset bonum homini sub Sole nisi quod comederet & biberet atque gauderet, deret. & hæc solum auferret de Labore suo.* Tandem cum allate Rationes notum peripetum- que faciant quantum à moderatâ Lætitiâ commodi, quantum ab aliis passionibus detrimenti capiat Sanitas nonne licebit concludere.

*Lib. Sapientia.*  
e. VIII,

*Ergo omnes Animi Passiones, exceptâ moderatâ Lætitiâ, Sanitati nocent.*

Proponebat Parisiis JOANNES - BAPTISTA CHOMEL  
DE JOINVILLE, Parisinus, Baccalaureus Medicus,  
A. R. S. H. 1731, à sextâ ad meridiem.